



KISWAHILI


**UFUNUO ALIOPATA - LUISA PICCARRETA -
BINTI MDOGO WA UTASHI WA MUNGU**



**SAA 24 ZA
MATESO YA
BWANA WETU
YESU KRISTO**

**UTASHI WA MUNGU – VOLUNTAS DIVINA – DIVINE WILL
- LA DIVINA VOLONTA' - DER GOETTLICHE WILLE**

MTUMISHI WA MUNGU - LUISA PICCARRETA - BINTI MDOGO WA UTASHI WA MUNGU



Ee Yesu, miguuni pako nakuletea uabudu na utiifu wa familia yote ya wanadamu; ninaweka ndani ya Moyo wako ile kauli ya 'NAKUPENDA' kutoka kwa watu wote; juu ya midomo yako nakupigia busu langu ili kukubandikia mhuri wa busu la watu wa vizazi vyote; kwa mikono yangu nakukumbatia ili kukubana kwa kumbatio la mikono ya watu wote kwa ajili ya kukufikishia utukufu wa matendo yote ya viumbe” (Kutoka LIBRO di CIELO - Vol. 12, 22.05. 1919)

Mtumishi wa Mungu Luisa Piccarreta alizaliwa katika mji mdogo wa **CORATO** , Mkoa wa Bari, Italia tarehe **23 Aprili 1865**. Alibatizwa katika Kanisa la Parokia yake. Ndipo hapo alipopata na Komunyo ya kwanza na Sakramenti ya Kipaimara (1874). Katika umri wa miaka 11 alijiunga na kikundi cha 'Binti wa Maria' na baadaye akawa Mtersiari wa Wadominikani. Alipopata umri wa miaka 16, kwa mapenzi yake Yesu, Luisa Piccarreta alianza kuingia hali ya kuwa '**mhanga**'. Ingawa kama kielimu alikuwa ni darasa la kwanza tu la Shule ya Msingi, ilipofika tarehe **28 Februari 1899** , kwa kutii agizo la Padre Mwangamishi wake, yeye alianza kuandika **Daftari ya Kumbukumbu** zake za kimistiki (Daftari ambayo Yesu Mwenyewe baadaye aliipa kichwa cha: **KITABU CHA MBINGU - LIBRO DI CIELO**=): Hiki kitabu hujumuisha Daftari kubwa kubwa 36 ambazo ndanimo husimulia kumbukumbu za siku kwa siku za jinsi Mwalimu wa Mbinguni anavyomfunulia ufahamu juu ya **Utashi wa Mungu na namna ya kuuishi ndani ya huo Utashi wa Mungu**. Akiwa daima katika kutii agizo alilopewa aliandika '**SAA 24 Za Mateso Ya Bwana Wetu Yesu Kristo**'. Na tarehe 6 Mei 1930 aliandika '**Bikira Maria Katika Ufalme Wa Utashi Wa Mungu**'. Mwaka 1926, akiagizwa na Mwangamishi wake wa pekee, Padre Annibale Maria di Francia, ambaye pia ndiye amekuwa msimamizi na mkaguzi wa maandiko, Luisa aliandika '**Kumbukumbu za Utoto**' ('Memorie d' Infanzia'). Ameacha pia idadi kubwa ya barua zake ambazo zinaweza kuwa hazina ya fikara na maoni juu ya mafundisho ya imani juu ya Utashi wa Mungu. Luisa alitumia chumba chake kama 'Kikanisa', alitumia kitanda chake kama 'Msalaba', na 'FIAT' kama kaulimbiu yake. Mtindo wake wa kuzungumza kifupi na kihakika, mfano wake angavu na mwili wake msulibiwa kwa stigmata zisizoonekana, hayo yote yalimfanya awe '**mhanga**' wa kitandani kwa karibu **miaka sabini**, huku lakini akiwa hana ugonjwa wowote katika mwili wake. Lishe yake ilikuwa ni **Ekaristi Takatifu** basi karibu kwa kipindi chote cha maisha yake. Luisa, '**Binti Mdogo wa Utashi wa Mungu**', aliyekuwa amechaguliwa na Mungu kwa ajili ya Utume wa '**MAPENZI YAKO YATIMIZWE duniani kama mbinguni**' ("FIAT VOLUNTAS TUA sicut in coelo et in terra), aliaga dunia kwa ajili ya kwenda mbinguni tarehe **4 Machi 1947**. Yesu alikuwa amemwambia: "Utashi Wangu unayo nguvu ya pekee ya kuzifanya roho ziwe ndogo, naam, kuzifanya ndogo zaidi na zaidi, ili ziweze kuonja hitaji kali kabisa kwa Utashi Wangu kutia uhai ndani yao..... Utashi Wangu wa milele utachukua zama za kale, za leo na zijazo; utazifupisha hadi kuwa nukta tu ambayo itaimwagiwa ndani yako...". Na Luisa alipofadhaika mbele ya maneno hayo, Yesu alimthibitishia kwa kusema: "Wewe mwenyewe ilitakiwa uwe umelewa kwamba ilinipasa kukupatia utume wa pekee wa Utashi Wangu, kutokana na mazungumzo yangu ya daima kwako juu ya Utashi Wangu na pia kutokana na jinsi nilivyokufanya uelewe matokeo Yake ya ajabu.....Baada ya kukufundisha vema vema, nimekuonyesha utume wako, na pia jinsi ndani yako wewe utatokea mwanzo wa kutimilika kwa neno lile '**Mapenzi Yako Yatimie**' duniani.....(Fiat Voluntas Tua sicut in coelo....). Wala Usiogope! Utashi Wangu utakuwa ni msaada wako na tegemeo lako".